

DECLARATION²⁰³

D V ROY,

Portant que toutes Monnoyes d'or legeres des Pais estrangers, seront converties en Espèces d'or de poids portans le nom du Roy; que la fabrication des Escus d'or de France sera continuée, & que toutes Espèces d'or legeres seront décriées dans trois mois : Avec defenses d'en exposer apres ledit temps, sur les peines y contenuës.

*Verifiée en la Cour des Monnoyes le troisieme
iour d'Auril 1640.*



A P A R I S,

Chez SEBASTIEN CRAMOISY, Imprimeur
ordinaire du Roy, & de la Cour des Mon-
noyes, rue S. Iacques, aux Cicognes.

M. DC. XL.

Avec Privilege de sa Maiefté.

1640

BT

Case

F

39

326

1640-558

THE NEWBERRY
LIBRARY

WJ



DECLARATION DV ROY,

Portant que toutes Monnoyes d'or legeres des Pais estrangers, seront conuerties en Espèces d'or de poids portans le nom du Roy; que la fabrication des Escus d'or de France sera continuée, & que toutes Espèces d'or legeres seront décriées dans trois mois: Avec defenses d'en exposer apres le-dit temps, sur les peines y contenuës.



L O V I S par la grace de Dieu Roy de France & de Nauarre, A tous ceux qui ces presentes Lettres verront; Salut. D E P V I S que par l'inobservation du poids des Monnoyes

la falsification, le rongnement,
& les autres abus qui se voyent
aujourdhuy en icelles, se sôt in-
troducts entre nos Sujets, Nous
avons bien reconnu que le mal
s'estoit rendu si grand & si vni-
uersel, qu'il ne se pouuoit entie-
rement guerir qu'en le retran-
chant dès sa source: Et encores
que le remede que nous y auions
apporté, en defendant par nos
Lettres de Declaration du dix-
septiesme Nouembre dernier
l'exposition des Especes d'or à
plus haut prix que leur iuste
poids, semblast deuoir estre de
grande efficace; Neantmoins
il n'a pas esté suffisant pour em-
pescher, que par la malice & l'a-
uidité des auares, les Monnoyes

d'or legeres n'ayent esté mises
souz main en plusieurs lieux au
prix de celles de poids, aucuns
mesme ayant acheté des Mon-
noyes defectueuses pour les
donner en payement à telle va-
leur que bon leur a semblé, avec
perte pour ceux qui les ont re-
ceuës de plus de moitié de iuste
prix: Ce qui nous a fait cognoi-
stre que tous nos soins seroient
en cela inutiles, iusques à ce que
nous eussions interdit le cours
des Espèces d'or legeres, & que
nous les eussions conuerties en
Monnoyes d'or de poids. D'ail-
leurs nous auons considéré qu'il
estoit de la dignité de nostre
Couronne, & de celle de no-
stre Regne, de ne pas permet-

tre l'exposition d'aucunes Monnoyes qu'au poids requis par les Ordonnances. Surquoy afin de restablir vn bon ordre dans nos Monnoyes , Nous auons examiné tous les moyens qui nous ont esté proposez pour cet effet, & pour faire que nous n'y souffrissions point de perte notable: Et par ce que la rondeur & beauté des Monnoyes pouuoit beaucoup contribuer à empêcher qu'elles ne fussent altérées & rongnées, & que la fabrication au Moulin dés long temps establie en nostre Chasteau du Louure , rendoit les Especes beaucoup plus parfaites, qu'elles ne se font en nos Monnoyes ordinaires, Nous en auons fait

renouueller l'vsage par nostre
Declaration du vingt-quatries-
me Decembre dernier: Et pour
apporter d'autant plus de dili-
gence à la fabrication des Mon-
noyes necessaires, pour en sub-
stituer à celles qui seroient dé-
crites, Nous auons au mesme
temps fait continuer incessam-
ment la fabrication ordinaire
en nostre Monnoye au Marteau,
ayant ordonné que la rondeur
& netteté y fust mieux obser-
uée que par le passé. De plus
comme nous desirions singulier-
ement de laisser toutes nos
Monnoyes au Titre ancien de
France, Nous auons fait fon-
dre en l'une & l'autre de nos di-
tes Monnoyes quantité d'Espe-

ces d'or legeres, qui ont esté
conuerties en Escus d'or du Ti-
tre & poids portez par nos Or-
donnances : Mais nous auons
esprouué que les Pistoles & au-
tres Especies d'or Estrangeres
estans de plus bas Titre que nos
Escus d'or, il y auroit non seu-
lement beaucoup de longueur
à les affiner au Titre de nosdits
Escus; mais en outre vn notable
déchet, & des frais immenses,
lesquels dans la necessité pre-
sente de nos affaires, causée par
la continuation de la guerre, ne
pouuans porter, & ne voulant
pas aussi que la surcharge en
tombe sur nos Sujets, apres
mesme la perte qu'ils ont ressen-
tie en la reduction que nous
auons

uons faite par nostredite Declaration du dix-septiesme No-
uembre dernier des Monnoyes
legeres au prix de leur iuste
poids : Mettans aussi en consi-
deration les secours extraordi-
naires que l'entretienement de
nos Armées nous oblige souuēt
à desirer d'eux, Nous auons re-
solu de faire conuertir les Pisto-
les & les autres Monnoyes d'or
legeres des Pays estrangers, qui
ont cours en nostre Royaume,
en d'autres Especes d'or de poids
du Titre des Pistoles d'Espagne
souz nostre Nom, desquelles
ayāt fait faire diuerses espreuues
en nostredite Monnoye au Mou-
lin, nous en sommes demeurez
tres-satisfaits, & auons estimé

que le Public en receuroit beaucoup de commodité & de contentement. S Ç A V O I R FA I S O N S que Nous pour ces causes & autres bonnes considerations à ce nous mouuans ; De l'aduis de nostre Conseil, où nous auons fait mettre cette affaire en deliberation, & de nostre certaine science, plaine puissance & authorité Royale, Nous auons dit, déclaré, & ordonné, disons declarons, & ordonnons par ces presêtes signées de nostre main, Voulons & nous plaist, que toutes les Especies d'or legeres des Pays estrangers qui ont cours en ce Royaume, soient conuerties en Especies d'or de poids, qui seront nommées L O V I S, au Ti-

tre, poids & prix spécifiez au
Cahier cy attaché, souz le con-
treseel de nostre Chancellerie,
& ainsi qu'elles y sôt figurées, &
aux remedes & à la taille portez
par nos Ordonnances, pour les
Escus d'or frabiquez à nos Coins
& Armes: Lesquelles Especes
seront frabiquées presentement
en nostre Monnoye du Moulin,
& en sera pareillement frabiqué
en nostre Monnoye au Marteau,
lors que les Ouuriens d'icellè en
pourront battre en la mesme
perfection qu'elles se font au
Moulin: Desquelles fabricatiōs
d'Especes nouvelles, tant au
Moulin qu'au Marteau, les Boi-
stes seront faites & iugées en
nostre Cour des Monnoyes, en

la forme & maniere accoustu-
 mée pour nos autres Monnoyes.
 N'ENTENDONS par ladite fa-
 brication des Espèces nouvelles
 interrompre aucunemēt celle des
 Escus d'or, au Titre, poids & Ar-
 mes de France, qui sera cōtinuée,
 tant en nostre dite Monnoye au
 Moulin, qu'en nos Monnoyes
 au Marteau, le plus parfaitemēt
 qu'il se pourra, sans que l'on
 puisse conuertir esdites Espèces
 de Lloy's de l'or de nos Escus
 & autres Monnoyes de France,
 ny mesme y employer d'autre
 or que celui qui prouindra de
 la fonte que nous ferons faire
 des Monnoyes estrangeres. EN-
 TENDONS que trois mois après
 la publication de ces presentes,

toutes Espèces d'or legeres & rognées, tant à nos Coins & Aimes qu'Estrangeres, ayans cours en nostre Royaumes, soiēt & demeurent décriées, & ne puissent estre exposées ny receuës en aucū lieu de nos Estats, Pays, Terres, & Seigneuries de nostre obeyssance. V O U L O N S que toutes lesdites Espèces d'or legeres soient portées en nosdites Monnoyes aux Officiers, ou autres qui seront par Nous ordonnez, pour les recevoir, & pour les payer en Monnoyes pesantes, lesquels seront obligez d'en tenir bon & fidele registre. Et bien qu'il y ait beaucoup de frais à supporter dans le conuertissement desdites Espèces

d'or legeres, tant à cause des de-
 chets qui se trouuent en la fon-
 te de l'or, que pour le salaire des
 Graueurs, Ouuriers, Monnoy-
 eurs, & autres Officiers: Neant-
 moins desirant pour les consi-
 derations susdites gratifier nos
 Sujets en cette occasion, Nous
 entendons non seulement faire
 payer toute la despense dudit
 conuertissement, du fonds de
 nostre Espargne: Mais aussi par
 vne liberalité non pratiquée par
 aucū de nos predecesseurs Rois,
 nous leur remettōs nostre droit
 de Seigneuriage, en ce qui con-
 cerne le conuertissement desdi-
 tes Espees d'or legeres, pen-
 dāt le temps de trois mois seule-
 ment, sans tirer à consequence:

Et ce faisant nous ordonnons
que la iuste valeur de chaque Es-
pece d'or legere sera reduë poids
pour poids en nosdites Mon-
noyes, à tous ceux qui dans ledit
temps de trois mios y porteront
des Especies d'or legeres. DE-
BENDONS tres-expressément à
toutes personnes de quelque
qualité & condition qu'elles
soient, d'exposer ny recevoir en
aucun lieu de nostre Royaume,
Pays, Terres, & Seigneuries de
nostre obeissance, apres ledit
temps de trois mois, des Espe-
ces d'or legeres, à quelque prix
que ce puisse estre, à peine de
trois mil liures d'amende pour
la premiere fois, de punition
corporelle pour la seconde ou-

tre ladite amende, & de confiscation de corps & de biens pour la troisieme. Voulons que tous ceux qui se trouueront saisis apres ledit temps de trois mois d'Espèces d'or legeres, soient punis des peines portées par nos Ordonnances contre les faux Monnoyeurs; Appliquons le tiers desdites amendes & confiscations au Denonciateur, l'autre tiers à l'Hostel Dieu de nostre bonne ville de Paris, ou aux Hospitaux des lieux où les contrauentions seront commises, le surplus tournant à nostre profit. Et en interpretant & confirmant nosdites Lettres du dix-septiesme Nouembre dernier, Nous auons déclaré & déclarōs

17
par ces presentes nostre inten-^{2 //}
tion auoir esté & estre que le
Marc d'or des Pistoles d'Espa-
gne & autres Monnoyes du mes-
me Titre soit éualué à la somme
de trois cens soixante deux li-
ures dix sols, & le Marc d'or des
autres Especies estrâgeres à pro-
portion. DEFENDONS à tou-
tes personnes d'auoir égard aux
Tarifs qui ont esté imprimez &
publiez, portant autre éualua-
tion que de ladite somme de
trois cens soixante deux liures
dix sols. Et à tous Imprimeurs,
Libraires, Colporteurs & au-
tres, d'en imprimer ou publier
aucun, sans la permission de no-
stre Cour des Monnoyes, à peine
de punition corporelle. FAISONS

18
en outre tres-expresses inhibi-
tions & defenses à toutes per-
sonnes d'exposer ny receuoir,
soit en nos Receptes, ou aux
payemēs entre particuliers des-
dites Monnoyes d'or, à plus haut
prix que ladite éualuation de
trois cens soixante deux liures
dix sols pour Marc, à peine de
confiscation des Especes, & de
mil liures d'amende, ou autre
plus grande s'il y eschet. Si
DONNONS en mandement à
nos amez & feaux les Gens te-
nans nostre Cour des Mon-
noyes, que ces presentes ils fa-
cent lire, publier & registrer,
& le contenu en icelles garder
& obseruer selon leur forme &
teneur, sans y contreuenir, ny

permettre qu'il y soit contreue-
nu en aucune maniere. **O R-**
D O N N O N S à tous Baillifs, Pre-
uosts, Seneschaux, Iuges, leurs
Lieutenans, ensemble aux Ge-
neraux Prouvinciaux de nos
Monnoyes & Gardes d'icelles,
d'y tenir soigneusement la
main, chacun comme il appar-
tiendra, nonobstant opposi-
tions ou appellations quelcon-
ques, & sans preiudice d'icelles,
desquelles si aucunes interuien-
nent, Nous auons attribué &
attribuons la connoissance à no-
stre Cour des Monnoyes, icel-
le interdisons à tous nos Cours
& Iuges quelconques. **C A R** tel
est nostre plaisir. En tesmoin
dequoy nous auons fait mettre

20

nostre Seel à cesdites presentes.
DONNE' à S. Germain en Laye
le trente-vniesme iour de Mars,
lan de grace mil six cens qua-
rante, & de nostre Regne le
trentiesme. Signé, LOVIS.
Et plus bas, Par le Roy, SVBLET.
Et seellé sur double queuë du
grand Seel de cire iaune.

*Leuë, publiée, & registrée,
Oüy, & ce requerant le Procu-
reur General du Roy, suivant &
aux charges contenuës en l' Arrest
de ce iourd' huy. A Paris en la
Cour des Monnoyes le troisesme
Auril mil six cens quarante.*


Signé, DELAISTRE.



ENSVIVENT LES

Portraits , poids & prix des
Especes Nouvelles que sa Ma-
iesté veut estre nommées LOVIS,
fabriquées & avoir cours dans
son Royaume , Pays , Terres
& Seigneuries de son obeis-
sance.

LOVIS du Titre de vingt-deux
Karats, du poids de deux deniers
quinze grains trébuchant , pour
cent sols.



Autre LOVIS au mesme Titre,
du poids de cinq deniers six grains
trebuchant, pour dix liures.



Autre LOVIS au mesme Titre,
du poids de dix deniers douze
grains trebuchât, pour vingt liures.



EXTRAIT DES REGISTRES

de la Cour des Monnoyes.

VE v par la Cour la Declaration du Roy du 31. Mars dernier, signée **LOVIS**, & sur le reply, Par le Roy, **SVBLET**: & sceillée de cire iaune du grand Seel sur double queue. Par laquelle sa Majesté pour les causes y contenues, auroit ordonné, que toutes les Especes d'or legeres des Pais estrangers, qui ont cours en ce Royaume, soient conuerties en Especes d'or de poids, qui seroient nommez **LOVIS**, au Titre, poids & prix specifiez au Cahier y attaché sous le Contrefeel, & ainsi qu'elles y sôt figurées, au remede & à la taille portez par les Ordonnances, pour les Escus d'or fabriquez aux Coins & Armes de sa Majesté: Lesquelles Especes seroient fabriquées presentement en sa Monnoye du Moulin, & qu'il en seroit pareillement fabriqué en la Monnoye au Marteau, lors que les Ouuriers d'icelle en pourront battre en la mesme perfection qu'elles se font au Moulin: Desquelles

24
fabrications d'Espèces nouvelles, tant
au Moulin qu'au Marteau, les Boïtres
seront faites & iugées en ladite Cour en
la forme accoustumée pour ses autres
Monnoyes: N'entendant par ladite fa-
bricatiō d'Espèces nouvelles interrom-
pre aucunement celle des Escus d'or au
Titre, poids & Armes de France, qui
sera continuée, tant en ladite Monnoye
au Moulin, qu'en la Monnoye au Mar-
teau, le plus parfaitement qu'il se pourra,
sans que l'on puisse conuertir esdites
Pièces de Louis de l'or des Escus &
autres Monnoyes de France, ny mes-
mes y employer d'autre or que celui qui
prouiendra de la fonte des Monnoyes
estrangeres. Entendant que trois mois
apres la publication de ladite Declara-
tion, toutes Espèces d'or legeres & ron-
gnées, tant à ses Coins & Armes qu'E-
strangeres, ayans cours au Royaume,
soient & demeurent décriées, & ne
puissent estre exposées, ny receuës en
aucun lieu de son Royaume, Pais, Ter-
res, & Seigneuries de son obeysan-
ce. Voulant que toutes lesdites Espe-
ces d'or legeres soient portées en lesdi-
tes Monnoyes, aux Officiers, ou autres
qui

qui seront par elle ordonnez pour les
recevoir, & payer en Monnoye pesante,
qui seront obligez entretenir bon & fidel
registre. Et pour les considerations y
portées; entend sadite Maiesté, non
seulement faire payer toute la despense
dudit conuertissement du fonds de son
Espargne, mais par vne liberalité non
pratiquée par aucun de ses predeces-
seurs Roys, remet le droit de Seigneu-
riage, en ce qui concerne le conuertis-
sment desdites Espèces d'or legeres,
pendant ledit temps de trois mois seu-
lement, sans tirer à consequence. Ce
faisant, ordonne que la iuste valeur de
chaque Espece d'or legere sera rendue
poids pour poids en sesdites Monnoyes
à tous ceux qui dans ledit temps de
trois mois y porteront des Espèces d'or
legeres. Defendant tres-expressément
à toutes personnes de quelque qualité
& condition qu'elles soient, d'exposer,
ny recevoir en aucun lieu de son Royau-
me, Pais, Terres & Seigneuries de son
obeïssance, apres ledit tēps de trois mois;
des Espèces d'or legeres à quelque prix
que ce puisse estre, aux peines & amen-
des y contenuës. Voulant que tous ceux

qui se trouuerōt saisis apres ledit tēps de trois mois, d'Espèces d'or legeres, soient punis de peines portées par les Ordonnances contre les faux monnoyeurs, le tiers des amendes & confiscations applicable au denōciateur, l'autre tiers à l'Hostel-Dieu de Paris, ou aux Hospitaux des lieux où les contrauentions seront commises, & le surplus au profit de sa Majesté. Et en interpretant les Lettres du 17. Nouembre dernier, declare son intention estre que le Marc d'or des Pistoles d'Espagne & autres Monnoyes du mesme titre, soit évalué à trois cents soixante deux li. dix sols, & le Marc d'or d'autres Espèces Estrangeres à proportion. Defendant d'auoir esgard aux Tarifs portans antre évaluation : & à tous Imprimeurs, Libraires, Colporteurs, & autres, d'en imprimer aucun sans permission de ladite Cour, à peine de punition corporelle. Faisant defenses d'exposer, ny receuoir aux receptes & payemens particuliers desdites Monnoyes d'or, à plus haut prix que de ladite évaluation de trois cents soixante & deux liures dix sols pour Marc, à peine de confiscation & amende: Man-

dant à ladite Cour de faire lire, publier,
& registrer ladite Declaration, & le con-
tenu en icelle garder & observer selon
sa forme & teneur, sans qu'il y soit con-
trevenu, & à tous Baillifs, Preuosts, Se-
neschaux, Iuges, leurs Lieutenans, en-
semble aux Generaux Prouvinciaux de
ses Monnoyes & Gardes d'icelle, de re-
nir la main à l'exécution de ladite De-
claration, nonobstant oppositions, ou
appellations quelconques, & sans pre-
judice d'icelles, lesquelles si aucunes in-
teruiennent, en attribué la cognoissance
à ladite Cour, icelle interdisant à tou-
tes ses autres Cours & Iuges. Ledit Ca-
hier des empraintes & figures desdites
Espèces d'or de cent sols, dix liu. & vingt
liures, nommées LOVIS Conclusions du
Procureur general du Roy, tout cōside-
ré, LA COUR a ordonné & ordonne que
sur le reply desdites Lettres de Decla-
ration sera mis, qu'elles ont esté leuës
& registrées és registres d'icelle, ouï
& ce requerant le Procureur general
du Roy, qu'elles seront publiées à son
de Trompe & cry public, & affiches
mises és Carrefours & lieux publics &
accoustumez de cette ville de Paris, &

copies collationnées par le Greffier de ladite Cour enuoyées par les Prouinces, tant aux Generaux Prouinciaux, qu'aux Gardes des Monnoyes de ce Royaume, Baillifs, Seneschaux, Preuosts, & autres Iuges Royaux, pour estre pareillement leuës & publiées, & tenir la main à l'exécution & entretenement du contenu en ladite Declaration, lesquels seront tenus de certifier ladite Cour de leur diligence au mois, & ne courra le delay de trois mois porté par lesdites Lettres, que du iour qu'elles auront esté publiées en l'estendue desdites Iurisdiccions. Et pour obuier à l'abus & continuation du desordre qui est arriué, procedant de la diuersité des poids, balances & trebuchets : ordonne ladite Cour, que tous les Balanciers de cette ville seront tenus, quinzaine apres la publication du present Arrest, de venir estallonner leur poids de Marc, diminutions & grains sur ceux de ladite Cour, suiuant les Ordonnances. Et tres-humbles remonstrances seront faites à sa Maiesté, à ce qu'apres ledit temps de trois mois porté par ladite Declaration, il luy plai-

se ordonner la fonte de toutes les Espèces estrangeres, & le conuertissement d'icelles, ainsi qu'il est porté par ladite Declaration, pour celles qui sont legeres. Ordonne en outre ladite Cour, que ladite Maiesté sera tres-humblement remerciée de la grace qu'elle a faite à ses Suiets, tant par la remise de son droit de Seigneuriage, qu'en ce qu'elle a pris dans ses coffres toute la despense de la fonte, déchets & brassages des Espèces mentionnées en ladite Declaration. F A I T en la Cour des Monnoyes, le 3. iour d'Auril 1640.

Signé, DE LAISTRE.

L'An mil six cent quarante, le quatrième Auril, La Declaration du Roy portant que toutes Monnoyes d'or legeres des Pays estrangers, seront conuerties en Espèces d'or de poids, portant le nom du Roy, que la fabrication des Escus d'or de France sera continuée; & que toutes espèces d'or legeres seront décriées dans trois mois, avec defenses d'en exposer apres ledit temps, sur les peines y contenuës cy-dessus, a esté leue & publiée à son de Trompe, & cry public aux

Carrefours & autres lieux, tant ordinaires
qu'extraordinaires de cette Ville & Faux-
bourgs de Paris, en la presence de nous Jean
Gerin premier Huiſſier en ladite Cour des
Monnoyes, Jacques Blondel, & Michel Re-
bours, Huiſſiers en icelle ſouſſignez, par
Jean Joſſier, Juré Crieur en ladite Ville,
Prenosté, & Vicomté de Paris, accompagné
de trois Trompettes Commis de Pierre Gil-
bert, Gentian le Chable, & Noiret, lurez
Trompettes du Roy esdits lieux: Comme auſſi
a esté ladite Déclaration affichée par nous
en tous les lieux accoustumez de ladite Ville
& Fauxbourgs de Paris, à ce qu'aucun n'en
pretende cause d'ignorance. Signé Gerin,
Blondel, & Rebours.

Collationné aux Originaux par moy Con-
seiller & Secrétaire du Roy, Maison & Cou-
ronne de France, & de ſes Finances, Greffier
en chef de la Cour des Monnoyes.

PRIVILEGE DV ROY.

LOVIS par la grace de Dieu Roy de France & de Navarre, A nos amez & feaux Conteillers les gens tenans nostre Cour des Monnoyes, & à tous autres nos Iusticiers qu'il appartiendra, Salut. Ayant par nostre Declaration du trente-vnième Mars dernier, & pour les causes y contenues, ordonné le conuertissement des Monnoyes legales des pays Estrangers ayans cours en nostre Royaume en nouvelles especes d'or de poids, nommées **L O V I S**: Nous auons en mesme temps commandé à nostre bien-ame **SEBASTIEN CRAMOISY**, l'un de nos Imprimeurs, & seul chargé de ce qui concerne les Monnoyes, de faire tailler & grauer les figures desdites especes au Cahier d'icelles attaché sous le Contrefel de nostre dite Declaration, & d'imprimer le Tarif de la valeur du Marc d'icelles, pour estre par luy vendus & distribuez par tout nostre Royaume, Pays, Terres, & Seigneuries de nostre obeissance, à l'exclusion de tous autres Libraires & Imprimeurs, mesme de nos Libraires & Imprimeurs ordinaires, pour éviter les abus des diuerses impressions des Tarifs des especes qui ont esté faites depuis nostre Declaration du dix-septième Nouembre dernier, desquels il est arriué plusieurs contrauentions entre nos Suiets: Et voulans donner le Priuilege necessaire pour cet effect audit **CRAMOISY**: A ces Causes, & autres bonnes considerations à ce nous mouuans, nous auons de nostre grace speciale, plaine puissance & autorité Royale par ces presentes signées de nostre main, permis & octroyé audit **CRAMOISY**, qu'il puisse seul imprimer ou faire imprimer par telles personnes que bon luy semblera nostre dite Declaration dudit iour trente-vn Mars dernier; ensemble le Cahier desdites nouvelles especes, & le Tarif de la valeur du Marc d'icelles, ou autres Tarifs qui seront faits par nostre Cour des Monnoyes, pour estre par luy vendus & debitez par tout nostre Royaume, Pays, Terres, & Seigneuries de nostre obeissance, pendant l'espace de sept ans: durant lesquels nous defendons tres-expressément à tous Libraires & Imprimeurs, mesme nos Libraires & Imprimeurs ordinaires, & à toutes autres personnes de quelque qualité & condition

& de quelque Ville, Vniuersité, ou Parlement de ce Royaume que ce soit, d'imprimer ou faire imprimer ladite Déclaration, Cahier, ou Tarif susdit, ou les contrefaire, soit par abrégé, ou autrement, sous quelque pretexte & en quelque façon ou maniere que ce puisse estre, sans le contentement dudit CRAMOISY, ou les ayans cause, & d'en vendre ou distribuer aucunes copies qui ne soient de l'impression dudit CRAMOISY, à peine de confiscation des exemplaires, de trois milliers d'amende, le tiers applicable à Nous, l'autre à l'Hôtel-Dieu de nostre bonne ville de Paris; & de tous dépens, dommages & interêts; nonobstant quelconques Lettres, Priuileges, & Arrests à ce contraires; auxquels nous auons dérogé & dérogeons à l'égard de l'impression de ladite Déclaration, Cahier, & Tarif, par cesdites presentes, à la charge d'en mettre deux exemplaires en nostre Bibliothèque, & vne en celle de nostre tres-cher & feal Cheualier le sieur SEGVIER, Chancelier de France. SI VOUS MANDONS & à chacun de vous ordonnons en droit soy comme il appartiendra, que de nostre present Priuilege, & du contenu en iceluy, vous fassiez, souffriez, & laissiez iouyr & vser ledit CRAMOISY pleinement & paisiblement: contraignant & faisant contraindre par toutes voyes deuës & raisonnables tous ceux que besoin sera & qui pour ce seront à contraindre. Mandons au premier Huissier ou Sergent sur ce requis, faire pour l'exécution des presentes tous actes & exploits nécessaires, sans demander aucun congé, visa, ne pareatis; nonobstant clameur de Haro, Chartre Normande, prise à partie, & autres Lettres à ce contraires, Voulans qu'aux copies d'icelles deuëment collationnées par l'un de nos amez & feaux Conseillers & Secretaires soy soit adioustée comme à l'Original: & qu'en mettant au commencement ou à la fin de ladite Déclaration, Cahier, & Tarif, copie des presentes, ou vn extrait sommaire d'icelles, elles soient tenues pour signifiées à qui il appartiendra. Car tel est nostre plaisir; Donné à S. Germain en Laye, le troisieme iour d'Auil, l'an de grace mil six cens quarante: Et de nostre règne le trentième. Signé LOUIS; En plus bas, Par le Roy SYLVAR, Seellé du grand Sel de cire jaune sur simple queue.